

Caso contra Alvaro Triana a worde posponi

Juez a pospone e caso te otro aviso

ORANJESTAD(AAN) -- Ora el a presenta dilanti mesa berde na Merca, Juez a bisa cu e caso lo worde pospone te un otro aviso ya cu e ta tratando un otro caso y no a haya tempo pa studia esun di Triana.

Fuente digno di confianza a

informa DIARIO cu ayera mainta Juez a pospone e caso contra Alvaro Triana, kende a laga Aruba pasa algun dia den tencion.

Informacion cu DIARIO a ricibi ta indica cu no ta exclui e posibilidad cu e caso aki por

worde trata otro luna.

Esaki ta di dos biaha cu e caso contra Alvaro Triana a worde posponi.

Manera DIARIO a publica algun siman pasa, prome biaha cu e caso a worde posponi tabata debi cu falta mas infor-


macion.

Alvaro Triana, kende lo sirbi como un testigo clave contra traficantenan di droga cu ta responsable pa e droga cu ta drenta Merca, ayera mester a presenta dilanti Juez pero

atrobe e caso no a worde trata ya cu Juez kier termina e caso cu e ta atendiendo pa asina por dedica tur su tempo na e caso aki.

DIARIO lo sigui e caso aki di cerca pa asina tene su lectornan al tanto di esaki.

Companianan grandi di petroleo a asisti na seminario Bidding pa exploracion di petroleo lo bira algo interesante



ORANJESTAD(AAN) -- Manera ta conoci, recientemente e seminario di petroleo a tuma lugar na Houston.

Ministro Mansur a duna di conoce na DIARIO cu henter un mainta a tene un presen-

tacion na e mas cu 50 companianan cu a asisti na e seminario.

Tabata tin mas di 100 persona presenta cu ta indica cu tin compania cu a manda mas di un representante.

Ministro Mansur a bisa cu e ta contento di mira casi tur e companianan grandi di mundo entre otro Exxon, Shell, Occidental, compania nacional di Japon, tabata presente.

A haci un presentacion ariba con e legislacion petrolero a desaroya, con e sistema di impuesto ta funciona na Aruba. Gafney & Cline a papia ariba e contract cu e companianan tin ora di firma cu Gobierno y tambe ariba e procedura di bidding.

Ministro Mansur durante e seminario a duna un splicacion di e situacion economico na Aruba y cu e isla ta den proceso di diversificacion di su economia.

E reaccion di e companianan tabata sumamente positivo. Hopi pregunta a worde haci ariba e procedura pa entrega bid y tambe encuan to e sistema di impuesto cu Aruba tin. Ministro Mansur a enfatisa cu ta logico cu e companianan ta haci pregunta encuan to impuesto pasobra nan kier sa con y cuan to impuesto mester worde paga.

For di siman pasa Diahuebs a e contestanan lo worde manda bek.

Manera ta conoci dia 7 di November no mas laat cu 4'or di atardi tur e bidnan mester ta entrega na Banco Central. Ministro Mansur a enfatisa cu mester ta conciente cu ta papia di un aerea cu nunca a yega di haya petroleo y esaki ta haci cu e bidnan ta mas abao compara cu si ta trata di un aerea cu ta

habri na oficianan di Gafney & Cline na Dallas e dataroom caminda e companianan por manda representante studia tur e informacionnan adicional cu tin.

Tambe por haci preguntanan por escrito y pa medio di telefax

Gafney & Cline lo manda esakinan pa Aruba y na su turno tin produccion di petroleo.

Sin embargo mirando e resultado positivo di e seminario por spera un bidding hopi interesante pa Aruba, Ministro Mansur a enfatisa.

GYNECOLOGO NOBO PA ARUBA



Recientemente Aruba a haya un gynecologo nobo den persona di dr. R.J. Tjon Sie Fat, kende a studia na Akademisch Ziekenhuis na Amsterdam y na Elizabeth Gasthuis na Haarlem. Durante seis luna dr. Tjon Sie Fat a haci un es'udio pa specializa den infertilidad. Su consultorio ta situa na Paardenbaaistraat 8, e promer piso den edificio di New India Insurance. Dr. Tjon Sie Fat ta atende patientnan segun cita pa patientnan di gobierno, S.V.B y particular. Diabierna ultimo dr. Tjon Sie Fat a inaugura oficialmente su consultorio y varios mediconan y personal di departamento di Salubridad Publico tabata presente y a desea e gynecologo hopi exito.